

# Main hī Hūn

Uchaltī Lahron Par Thos Qadam



*main hī hūn. uchaltī lahron par thos qadam*

It is I. Firm Steps on the Dashing Waves  
(Second Edition)

by Bakhtullah

(Urdu—Roman script)

© 2026 [www.chashmamedia.org](http://www.chashmamedia.org)

*published and printed by*

Good Word, New Delhi

The title cover is a collage of

Jeff Jacobs <https://pixabay.com/images/id-6190184/>;

Prawny <https://pixabay.com/images/id-1697359/>; illus. R. Gunther

<https://freebibleimages.org/illustrations/lp-peter-water/> partially  
modified by AI (ChatGPT).

Bible quotations are from UGV.

*for enquiries or to request more copies:*

[askandanswer786@gmail.com](mailto:askandanswer786@gmail.com)

## **Fahrist**

<b>Ḳhudā se Rishtā</b>	<b>3</b>
<b>Main hī Hūñ</b>	<b>6</b>
<b>Ā!</b>	<b>7</b>
<b>Mujhe Bachāen!</b>	<b>9</b>
<b>Shak Mat Karo</b>	<b>10</b>
<b>Yaqīnan Āp Al-Masīh Haiñ!</b>	<b>10</b>
<b>Injīl, Mattī 14:22-33</b>	<b>12</b>



Ek din ek bahut barā mojizā huā. 5000 mardoñ ko bāl-bachchoñ samet ek jhīl ke kināre biṭhākar khānā khilāyā gayā.

► *Is meñ mojizā kiyā thā? Har koī khānā khilā saktā hai.*

Be-shak. Lekin mojizā yih thā ki sab ke sab pāñch roṭiyōñ aur do machhliyoñ se ser hue.

► *Kaun is tarah kā kām kar saktā hai?*

Ek hī hai. Īsā Masīh.

Lekin yih ek alag kahānī hai. Ab din ḍhal gayā thā, aur jagah wīrān thī. Log khisakkar apne apne



ghar jāne lage. Īsā Masīh aur us ke shāgird k̄hidmat karne se chūr-chūr ho gae the.

► *Kyā unhoñ ne wahāñ ñerā lagākar ārām kiyā?*

Nahīñ. Īsā Masīh aksar aisā kām kartā hai jo ham nahīñ sochte. Wuh to kashtī lekar āe the. Ab ustād ne apne shāgirdoñ ko zabardastī kashtī meñ biṭhākar kahā ki jhīl ke pār chale jāo.

Shāgird to use akelā chhoṛkar jānā nahīñ chāhte the. Un kā man yih thā ki ab ham is mojize kī k̄hushī manāeñ, ek dūsre ko mubārakbād kaheñ. Aur kyā yih achchhā mauqā nahīñ hogā ki ustād sab par zāhir kare ki wuh al-Masīh hai. Wuhī jis kā intazār īmāndār sadiyoñ se kar rahe haiñ. Lekin un kī soch



sirf siyāsī thī. Īsā Masīh siyāsī bātoñ meñ dilchaspī nahīn rakhtā. Use sirf ek bāt ahm hai.

► *Wuh kyā?*

Ḳhudā Bāp se rishtā. Yih pahlī bāt hai.

### **Ḳhudā se Rishtā**

Shāgirdoñ ko alwidā karke Īsā Masīh rāt ke andhere meñ sāth wāle ūñche pahār par chaṛh gayā.

► *Wuh akelā kyon gayā?*

Duā karne ke lie. Īsā Masīh wīrānī meñ islie gayā ki dil kholkar Ḳhudā Bāp se bāt kare. Go us rāt wuh bahut thakā huā thā to bhī wuh pūrī

rāt akelā rahā tāki bāt karte karte halkā ho jāe,  
tāzādam ho jāe, taqwiyaṭ pāe.

Kaisī bāt! Yih hai haqīqī duā. Aisī hī duā se ham  
zāhir karte haiñ ki ham Ḳhudā ke bachche haiñ jo  
dukh-sukh ke har māmāle meñ apne hāth us kī taraf  
phailāte haiñ. Tab ālamoñ kā mālik jhukkar hamārī  
haklāti huī bāteñ ḡhaur se suntā hai.


Jab bachche chhoṭe hote haiñ to māñ-bāp bachche  
kī har bāt ḡhaur se sunte haiñ. Pahlī bār khare  
hue, pahlā qadam rakhā to māñ-bāp uchhalkar  
ḡhushī manāte haiñ. Pahle shāhkār—koī taswīr, koī  
chhoṭā-sā miṭṭī se banā khilaunā—māñ-bāp faḡhr  
se us kī tārif karte haiñ.

Dekho, hamārā āsmānī Bāp aise pyār se ham par  
dhyān detā hai. Hamārā kām jo bhī ho kuchh nahīn  
hai to bhī wuh fikr kartā hai. Wuh hamārī ḡhushī  
par ḡhush aur hamāre dukh par dukhī hotā hai.

Taqriban tīn baje rāt ke waqt Īsā Masīh duā se fāriḡh  
hokar pahār se utrā.

► *Utne meñ shāgird kahāñ pahuñch gae the?*

Shāgird to kashtī par sawār jhīl ke bīch meñ  
pahuñch gae the. Wuh do yā tīn kilometer dūr  
the. Un meñ wuh sukūn aur ārām nahīn thā jo



ustād meñ thā. Wuh mushkil hī se kashtī ko āge chalā rahe the, kyonki saḡht hawā un ke ḡhilāf chal rahī thī. Hawā ke har phūñk se lahren̄ baḡhtī jā rahī thīñ. Sawārī bahut tang ā gae the.

Achānak ek ne chīḡh mārī, “Are, yih dekho! Yih kyā hai?”

Sab saḡht ghabrā gae. Lahron̄ par chalte hue koī chīz chal rahī hai, hamārī taraf. Kabhī pānī kī wādī meñ utartī ojhal hotī, kabhī pānī ke pahāḡ par chaḡhtī dikhtī. Shāgird thartharāne lage. “Yih koī bhūt hai.” Ḍar ke māre wuh chīḡhne-chillāne lage. Lekin yih kyā āwāz thī? Ek jānī-pahchānī āwāz. Ustād kī ṡhos āwāz. “Hauslā rakho! Main hī hūñ. Mat ghabrāo.”



Is se ham dūsri bāt sikh lete haiñ: Īsā Masīh kā farmān ki

### **Main hī Hūn**

“Main hī hūn,” us ne kahā. Jo tūfān shāgirdoñ ke diloñ meñ garaj rahā thā wuh ekdam tham gayā. Ustād ke huzūr unheñ sukūn milā. Yih bāt un kī samajh se bāhar thī ki wuh kis tarah pānī par chal saktā hai. Jo bhī ho, ustād ā gayā hai.

Jab Īsā Masīh farmātā hai “main hī hūn” tab ham hauslā rakh sakte haiñ. Ab tak tūfān chal rahā hai, hawā muḡhālif hai lekin wuhī mere sāth hai.

Ab ek shāgird banām Patras bol uṭhā. Patras kāfī joshilā thā. Ustād ko dekhte hī us ke andar jazbā

ubhar āyā. Sochā ki main bhī ustād ke sāth pānī par chalnā chāhtā hūn. Kyā ustād ne ḳhud nahīn kahā thā ki jaise ustād waise us ke shāgird? Wuh bolā, “Ḳhudāwand, agar āp hī haiñ to mujhe pānī par apne pās āne kā hukm deñ.”

Dhyān deñ, us ne nahīn kahā ki main bhī pānī par chal saktā hūn. Nahīn, us ne kahā, agar āp hī haiñ to mujhe apne pās āne kā hukm deñ. Wuh jāntā thā ki yih ustād ke kahne par hī ho saktā hai.

Īsā Masīh ne farmāyā, “Ā.”

Is se ham tīsri bāt sīkh lete haiñ, Īsā Masīh kā farmān ki

**Ā!**

Ab Patras ko pūrā yaqīn huā ki wuh sachmuch pānī par chal saktā hai.

► *Kyon?*

Islie ki ḳhud ustād ne apne pās āne kā hukm diyā thā. Zindagī aur maut ke tūfānoñ par hameñ usī ke hukm kī zarūrat hai—wuh hukm jo kahtā hai ki ā.

Tab Patras kashtī se utrā. Wuh pānī par chalne lagā, ustād kī taraf. Kitnā ḳhush thā! Kitnā faḳhr mahsūs



kar rahā thā ki main bhī pānī par chal-phir saktā hūn. Lekin achānak wuh pānī meñ dhañsne lagā.

► *Kyon?*

Achānak use mahsūs huā ki hāy, merī hālat kitnī nāzuk hai. Kabhī lahreñ use ūpar āsmān kī taraf uchhāltī, kabhī wuh use nīche, pānī kī gahrāiyon kī taraf le jātī thīn. Ab Patras ko lahron kā zor mahsūs huā, aur wuh saḡht ghabrā gayā.

► *Wuh kyon ghabrā gayā?*

Islie ki us kī āñkheñ Īsā Masīh par lagī na rahīn. Irdgird ke ḡhatron ne us kī tawajjuh apnī taraf khīnch lī thī.



Jab ham Īsā Masīh ko ṭakṭakī bāndhe dekhte haiñ, tab hī hamāre qadam tūfānī pānī par bhī ṭhos rahte haiñ. Is nāte se Patras se ḡhalatī huī. Phir bhī us ne ek kām to sahī kiyā. Wuh chillā uṭhā, “Ḳhudāwand, mujhe bachāeñ!”

Is se ham chauthī bāt sīkh lete haiñ: Patras kī pukār ki

### **Mujhe Bachāeñ!**

Tab ustād ne apnā hāth baṛhākar use pakaṛ liyā. Sāth sāth us ne sīdhā aslī bāt chheṛī. Farmāyā, “Ai kametaqād! Tū shak meñ kyoñ paṛ gayā thā?”

Patras ḍar to gayā, lekin us ne sahī hastī se madad māᅅgī. Us ne pukārā ki mujhe bachāēn to Īsā Masīh ne fauran us kā hāth pakar liyā.


Is se ham pānchwiᅅn bāt sīkh lete haiᅅ, yih ki

### **Shak Mat Karo**

- ▶ *Tūfān meᅅ ᅅhos qadam rakhne kī kunjī kyā hai?*  
Yih ki ham shak na karēn, ham īmān rakheᅅn ki wuh hameᅅn mahfūz rakh saktā hai. Us ko ᅅaktakī bāndhe dekheᅅn.
- ▶ *Shak kā kyā matlab hai?*  
ᅅagmagānā. Apne irāde meᅅn pakkā na rahnā. Kabhī yih sochnā kabhī wuh. Hichkichānā. Patras na sirf ustād kī taraf dekh rahā thā balki maujoᅅn kī taraf bhī. Islie wuh ᅅagmagāne lagā. Phir donoᅅn kashtī par sawār hue. Hawā ekdam tham gai. Ustād kī maujūdagī meᅅn hawā ᅅhud baᅅhud tham gai.  
Is se ham ek āᅅhiriᅅ bāt sīkhte haiᅅ: shāgirdoᅅn kā iqrār ki

### **Yaqīnan Āp Al-Masīh Haiᅅ!**

Shāgirdoᅅn ne yih sab kuchh dekhkar kahā, “Yaqīnan āp Allāh ke Farzand haiᅅ!”



Sadiyon pahle pāk nawishton ne farmāyā thā ki al-Masīh āne wālā hai jo najāt degā. Wuh ek anokhī aur lāsānī hastī hogā. Us kā khās iḡhtiyār hogā. Us waqt marīz shafā aur andhe dekh pāenge, langare uchhalkar chal sakeṅge. Us se ek nayā zamānā shurū hogā.

Jo nām in nawishton ne use diyā thā wuh Ḳhudā kā Farzand thā.

Ab ham nahīn kah sakte ki shāgirdon ko pūrī samajh āī. Lekin ek bāt un kī samajh meṅ āī: yih ki Īsā Masīh ko khās iḡhtiyār, lāsānī quwwat hai. Aisā

ikhtiyār, aisī quwwat jo sirf aur sirf Ḳhudā kī taraf se ho saktī hai. Rahā yih sawāl:

- ▶ *Kyā āp kā Ḳhudā se Īsā Masīh kā-sā rishtā hai?*
- ▶ *Tūfānī lahron par chalte waqt wuh farmātā hai ki main hī hūn, ā. Kyā āp us kī āwāz sunkar shak meñ uljhe rahte haiñ? Yā āp tūfānī pānī par thos qadam rakhkar us kā hāth pakaṛ lete haiñ?*
- ▶ *Kyā āpne al-Masīh kī qudrat jān lī hai? Tab hī āp duniyā kī tūfānon meñ mahfūz rah sakte haiñ.*

### **Injīl, Mattī 14:22-33**

Is ke ain bād Īsā ne shāgirdon ko majbūr kiyā ki wuh kashtī par sawār hokar āge nikleñ aur jhīl ke pār chale jāeñ. Itne meñ wuh hujūm ko ruḵhsat karnā chāhtā thā. Unheñ ḵhairbād kahne ke bād wuh duā karne ke lie akelā pahāṛ par chaṛh gayā. Shām ke waqt wuh wahāñ akelā thā jabki kashtī kināre se kāfī dūr ho gai thī. Lahreñ kashtī ko bahut tang kar rahī thīñ kyonki hawā us ke ḵhilāf chal rahī thī.

Taqriban tīn baje rāt ke waqt Īsā pānī par chalte hue un ke pās āyā. Jab shāgirdon ne use jhīl kī

satah par chalte hue dekhā to unhoñ ne dahshat khāi. “Yih koī bhūt hai,” unhoñ ne kahā aur ḍar ke māre chīkheñ mārne lage.

Lekin Īsā fauran un se muḵhātib hokar bolā, “Hauslā rakho! Maiñ hī hūñ. Mat ghabrāo.”

Is par Patras bol uṭhā, “Ḷhudāwand, agar āp hī haiñ to mujhe pānī par apne pās āne kā hukm deñ.”

Īsā ne jawāb diyā, “Ā.” Patras kashtī par se utarkar pānī par chalte chalte Īsā kī taraf baṛhne lagā. Lekin jab us ne tez hawā par ḡhaur kiyā to wuh ghabrā gayā aur ḍūbne lagā. Wuh chillā uṭhā, “Ḷhudāwand, mujhe bachāeñ!”

Īsā ne fauran apnā hāth baṛhākar use pakaṛ liyā. Us ne kahā, “Ai kametaqād! Tū shak meñ kyoñ paṛ gayā thā?”

Donoñ kashtī par sawār hue to hawā tham gai. Phir kashtī meñ maujūd shāgirdoñ ne use sijdā karke kahā, “Yaqīnan āp Allāh ke Farzand haiñ!”